

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
 妙覺-普光明殿



六. 等覺 - 普光明殿

本體	佛	十定品(缺文)
	法	十明品
	僧	十忍品
力用	佛	心王菩薩問阿僧祇品
	法	壽命品
	僧	菩薩住處品



華嚴經阿僧祇品之如來所知數量之一

爾時，心王菩薩白佛言：世尊！所謂：阿僧祇、不可量、無分齊、無周遍、不可數、不可稱量、不可思議、不可說、不可說不可說。世尊！云何阿僧祇乃至不可說不可說耶？佛告心王菩薩言：善哉！善哉！善男子！饒益眾生故，乃能問此如來、應供、等正覺，佛智境界甚深之義。善男子！汝今諦聽，我當說之。爾時，心王菩薩白佛言：世尊！唯然善聽。佛告心王菩薩言：

百千百千名一拘梨；	覺覺名一毘遮妬；
拘梨拘梨名一不變；	毘遮妬毘遮妬名一極高；
不變不變名一那由他；	極高極高名一妙；
那由他那由他名一鞞婆邏；	妙妙名一邏婆；
鞞婆邏鞞婆邏名一作；	邏婆邏婆名一訶梨婆；
作作名一來；	訶梨婆訶梨婆名一解脫；
來來名一勝；	解脫解脫名一黃；（四十）
勝勝名一復次；	黃黃名一訶梨那；
復次復次名一阿婆邏；	訶梨那訶梨那名一因；
阿婆邏阿婆邏名一得勝；（十）	因因名一賢覺；
得勝得勝名一分界；	賢覺賢覺名一明相；
分界分界名一充滿；	明相明相名一摩樓陀；
充滿充滿名一量；	摩樓陀摩樓陀名一忍；
量量名一解；	忍忍名一枝；
解解名一此解；	枝枝名一摩樓摩；
此解此解名一離欲；	摩樓摩摩樓摩名一等；
離欲離欲名一捨；	等等名一離疑；（五十）
捨捨名一聚；	離疑離疑名一種；
聚聚名一通；	種種名一不放逸；
通通名一頻申；（二十）	不放逸不放逸名一摩多羅；
頻申頻申名一網；	摩多羅摩多羅名一動；
網網名一眾流；	動動名一到；
眾流眾流名一出；	到到名一說；
出出名一分；	說說名一白；
分分名一分別；	白白名一了別；
分別分別名一稱；	了別了別名一究竟；
稱稱名一持；	究竟究竟名一清涼；（六十）
持持名一不顛倒；	清涼清涼名一阿羅；
不顛倒不顛倒名一不幡；	阿羅阿羅名一潮；
不幡不幡名一正；（三十）	潮潮名一油；
正正名一慧；	油油名一祇邏；
慧慧名一第一；	祇邏祇邏名一味；
第一第一名一覺；	味味名一泥邏；

華嚴經阿僧祇品之如來所知數量之二

泥邏泥邏名一戲；	廣說廣說名一無盡；
戲戲名一斯羅；	無盡無盡名一等真實；
斯羅斯羅名一聚沫；	等真實等真實名一無我；
聚沫聚沫名一彌羅；（七十）	無我無我名一阿槃陀；
彌羅彌羅名一堅固；	阿槃陀阿槃陀名一青蓮華；
堅固堅固名一風；	青蓮華青蓮華名一數；（百）
風風名一滿；	數數名一趣；
滿滿名一不可稱量；	趣趣名一受；
不可稱量不可稱量名一根；	受受名一阿僧祇；
根根名一微細；	阿僧祇阿僧祇名一阿僧祇轉；
微細微細名一蓮華；	阿僧祇轉阿僧祇轉名一無量；
蓮華蓮華名一摩伽婆；	無量無量名一無量轉；
摩伽婆摩伽婆名一不可度；	無量轉無量轉名一無分齊；
不可度不可度名一醯樓；（八十）	無分齊無分齊名一無分齊轉；
醯樓醯樓名一語；	無分齊轉無分齊轉名一無周遍；
語語名一劫；	無周遍無周遍名一無周遍轉；（百一十）
劫劫名一婆婆；	無周遍轉無周遍轉名一無數；
婆婆婆婆名一間；	無數無數名一無數轉；
間間名一無間；	無數轉無數轉名一不可稱；
無間無間名一離垢；	不可稱不可稱名一不可稱轉；
離垢離垢名一實勝；	不可稱轉不可稱轉名一不可思議；
實勝實勝名一彌羅覆；	不可思議不可思議名一不可思議轉；
彌羅覆彌羅覆名一遮摩羅；	不可思議轉不可思議轉名一不可量；
遮摩羅遮摩羅名一法；（九十）	不可量不可量名一不可量轉；
法法名一波羅摩馱；	不可量轉不可量轉名一不可說；
波羅摩馱波羅摩馱名一決定；	不可說不可說名一不可說轉；（百二十）
決定決定名一流轉；	不可說轉不可說轉名一不可說轉轉。
流轉流轉名一廣說；	

*此六十華嚴佛說百二十一遞進，八十華嚴具百二十三遞進，依四十華嚴善財童子之第十二參自在主童子會，具百四十二遞進，皆表自十波羅蜜圓滿成就，入自性地法。

華嚴經阿僧祇品之世尊結會說偈之一

世尊說偈			爾時，世尊為心王菩薩以偈頌曰：（百二十偈結會）
佛十波羅蜜	佛		不可言說不可說，充滿一切不可說，不可言說諸劫中，說不可說不可盡。
	法		不可言說諸佛刹，皆悉盡末為微塵，悉於一一微塵中，演說一切不可說。
	僧		悉能善於一念中，說不可說諸世界，不可稱說諸劫中，念念次第而演說。
	精進		不可說劫猶可盡，而不可說不可盡，悉於一一微塵中，分別演說不可說。
	禪定		不可說劫猶可盡，而不可說不可盡，不可言說微塵中，悉有不可說眾生。
	般若		皆共讚歎普賢德，猶尚不能令窮盡，設使一微毛端處，有不可說諸普賢。
			彼諸一切普賢等，說不可說不能盡，如一微細毛端處，十方世界亦如是。
	方便		於彼一一毛端處，置不可說諸佛刹，毛端能量虛空盡，而說佛刹不可盡。
	願		於彼一一毛道中，種種無量諸佛刹，有同類者不可說，亦有異類不可說。
	力		於彼一一毛道中，有不可說淨佛刹，以不可說莊嚴具，莊嚴彼彼諸佛刹。
法十波羅蜜	智		於彼一一毛道中，演出名身不可說，於彼一一諸名身，廣宣無量諸佛名。
	佛		一一如來自身中，變化毛孔不可說，於彼一一毛孔中，出生異色不可說，
	法		於彼一一異色中，放妙光明不可說，於彼一一光明中，出寶蓮華不可說，
	僧		於彼一一寶蓮華，各有寶葉不可說，於彼一一寶蓮葉，有微妙色不可說，
	精進		於彼一一妙色中，出生蓮華不可說，於彼一一蓮華中，各放光明不可說，
	禪定		於彼一一光明中，出生淨月不可說，於彼一一諸月中，復出淨月不可說，
	般若		於彼一一淨月中，出淨光明不可說，於彼一一光明中，出不可說明淨日，
	方便		於彼一一諸日中，出不可說淨妙色，於彼一一妙色中，出不可說淨光明，
	願		於彼淨妙光明中，出不可說師子座，不可言說莊嚴具，出不可說淨光明，
	力		於彼一一光明中，出不可說異妙色，於彼一一妙色中，出不可說明淨寶，
僧十波羅蜜	智		於彼一一明淨寶，出不可說不可說，金剛寶藏如須彌，清淨具足而莊嚴。
	佛		於彼一寶須彌中，有不可說不可說，微妙殊特諸佛刹，清淨具足而莊嚴。
	法		如此一寶須彌山，一切須彌亦如是，悉有無量不可說，具足清淨諸佛刹。
	僧		是不可說不可說，皆悉分別不可說，攝取不可言說轉，出生光明不可說，
	精進		於彼一一光明中，出生諸佛不可說，彼諸一切如來等，說不可說清淨偈，
	禪定		彼偈悉於念念中，說不可說真實諦，示現一切未來際，如來智慧無窮盡。
	般若		彼諸一一如來等，出不可說梵音聲，於彼一一梵音中，轉不可說淨法輪，
	方便		於彼一一法輪中，雨不可說修多羅，於彼一一修多羅，分別諸法不可說，
	願		於彼一一諸法中，又說諸法不可說，又復於彼諸法中，說眾生依不可說。
	力		又於一一毛道中，不可說劫說正法，如彼一微毛端處，一切十方亦如是。
精進波羅蜜	智		不可稱說無礙心，變化諸佛不可說，彼諸一一化如來，所出變化不可說，
	佛		彼諸一切所變化，遍遊佛刹不可說，不可稱說變化身，種種妙色而莊嚴。
	法		彼不可說佛世界，分別一切諸眾生，清淨一切眾生類，度脫一切諸群生。
	僧		莊嚴莊嚴不可說，成就神力不可說，清淨自在不可說，應現眾生不可說，
	精進		神力自在不可說，智慧境界不可說，不可稱說神力持，普轉世間令清淨。
	禪定		不可說淨方便法，說修多羅不可說，於彼一一修多羅，攝諸佛法不可說，

華嚴經阿僧祇品之世尊結會說偈之二

精進十波羅蜜	般若	於彼一一淨法中，復說正法不可說，於彼一一諸法中，說不可說決定法，
	方便	於彼一一決定中，說不可說眾生依，不可稱說種類法，不可稱說種類心，
	願	不可稱說非類法，不可稱說非類心，不可稱說非類根，不可稱說非類語，
	力	彼悉能於念念中，調伏眾生不可說。不可稱說自在力，應現眾生不可說，
	智	彼不可說應化時，或有同類不同類，菩薩皆悉分別知，諸明算者不能數。
禪定十波羅蜜	佛	菩薩於一毛端處，安置佛刹不可說，或有微細或廣狹，淨穢無量不可說，
	法	於彼一一佛刹中，復有佛刹不可說，菩薩皆悉分別知，如是佛刹不可說。
	僧	一毛端處無量刹，而於其中不迫迮，微小毛端亦不大，悉容彌廣諸佛刹，
	精進	不令佛刹有雜亂，形相如本而無異，一佛刹有無量刹，一切佛刹亦如是。
	禪定	一毛端處悉容受，如虛空等無量刹，佛刹形相不可說，一毛端處各殊別，
	般若	入於一毫毛道中，次第悉入不可說，毛道攝取不可說，毛道亦無究竟滿。
	方便	次第劫入不可說，常能攝取不可說，種種方便不可說，度脫眾生不可說，
	願	具足攝取是方便，境界無量不可說，菩薩深入不可說，是名深入不可說。
	力	意根深廣不可說，遍遊諸方不可說，勇猛精進不可說，具足自在不可說，
	智	彼諸大願不可說，所得功德不可說，彼諸境界不可說，能究竟度不可說。
般若十波羅蜜	佛	菩薩身業不可說，口業清淨不可說，意業清淨不可說，清淨解脫不可說，
	法	清淨智慧不可說，微妙奇特不可說，方便深入不可說，除滅疑惑不可說，
	僧	勇猛精進不可說，深入正法不可說，甚深三昧不可說，究竟彼岸不可說，
	精進	一切眾生不可說，一切佛刹不可說。諸眾生身不可說，眾生希望不可說，
	禪定	彼諸業報不可說，知眾生欲不可說，知眾生性不可說，分別眾生不可說，
	般若	彼應化時不可說，隨所出處不可說，隨方便道不可說，彼諸出者不可說，
	方便	無上智慧不可說，彼方便道不可說，彼諸所說不可說，一切轉時不可說，
	願	如是成就大慈悲，饒益一切諸世間。應現色像不可說，遊諸佛刹不可說，
	力	菩薩智慧甚明淨，觀十方佛不可說，所問正法不可說，諸佛應答不可說，
	智	應現色像不可說，遊行諸方不可說，往詣佛所不可說，示現自在不可說。
方便十波羅蜜	佛	以不可說諸色像，詣不可說如來所，以不可說供養具，供不可說諸如來，
	法	不可稱說清淨寶，不可稱說眾寶華，不可稱說妙華鬘，供不可說諸最勝。
	僧	彼深信心不可說，清淨解脫不可說，正直希望不可說，恭敬供養一切佛。
	精進	成就施心不可說，過去施心不可說，修行布施不可說，內外悉施不可說，
	禪定	禁戒清淨不可說，信心清淨不可說，讚歎最勝不可說，生妙法愛不可說，
	般若	具足諸忍不可說，深解無生不可說，成就寂滅不可說，住寂滅地不可說，
	方便	具足精進不可說，過去妙心不可說，不退轉心不可說，忍辱之心不可說，
	願	一切禪藏不可說，觀察諸法不可說，寂靜定意不可說，了知諸禪不可說，
	力	波羅蜜慧不可說，成就三昧不可說，決定解法不可說，究竟諸佛不可說，
	智	菩薩行門不可說，具足諸願不可說，智慧境界不可說，清淨法門不可說，

華嚴經阿僧祇品之世尊結會說偈之三

願十波羅蜜	佛	彼諸法力不可說，清淨住法不可說，菩薩正念不可說，彼諸法界不可說，
	法	修行智慧不可說，善學智慧不可說，彼智慧身不可說，住持智慧不可說，
	僧	彼淨法輪不可說，彼法智慧不可說，彼妙法雲不可說，彼妙法雨不可說，
	精進	彼諸神力不可說，解方便法不可說。彼悉能於念念中，解深法界不可說，
	禪定	成就迴向不可說，於念念中遍遊行，諸佛刹海不可說，所詣諸佛不可說，
	般若	分別佛刹不可說，種種莊嚴不可說，莊嚴清淨不可說，微妙淨色不可說，
	方便	種種雜色不可說，眾莊嚴具不可說，清淨佛刹不可說，垢穢佛刹不可說，
	願	深入眾生不可說，眾生諸界不可說，彼諸業報不可說，眾生所行不可說，
	力	種種諸根不可說，眾生虛妄不可說，眾生諸性不可說，眾生欲樂不可說，
	智	眾生威儀不可說，眾生煩惱不可說，眾生清淨不可說，調伏眾生不可說。 菩薩神力不可說，所變化身不可說，隨順諸行不可說，度脫眾生不可說，
力十波羅蜜	佛	示現自在不可說，放大光明不可說，光明妙色不可說，令眾生淨不可說。
	法	彼於一一毛端中，放光明網不可說，光明網色不可說，普照佛刹不可說，
	僧	勇猛精進不可說，成就無畏不可說，寂靜三昧不可說，調伏世間不可說，
	精進	清淨身業不可說，清淨口業不可說，意業無量不可說，清淨勝行不可說，
	禪定	成就智寶不可說，深入法界不可說，諸陀羅尼不可說，菩薩善學不可說，
	般若	音聲清淨不可說，智慧知音不可說，真實正念不可說，持眾生語不可說，
	方便	菩薩所行不可說，正覺清淨不可說，離眾恐怖不可說，調伏世間不可說。
	願	不可稱說真佛子，彼清淨行不可說，讚歎佛子不可說，欲究竟盡不可說。
	力	不可稱說諸導師，讚歎菩薩不可說，彼諸菩薩不可說，清淨功德不可說，
	智	彼諸分齊不可說，隨彼所住不可說，隨住智慧不可說，不可說劫不能說，
智十波羅蜜	佛	樂見諸佛不可說，長養智慧不可說，永度正法不可說，離礙正法不可說，
	法	正觀三世不可說，三世智慧不可說，彼所稱量不可說，出生智慧不可說，
	僧	菩薩勝行不可說，種種所願不可說，清淨所願不可說，具足菩提不可說，
	精進	諸佛菩提不可說，彼起智慧不可說，分別真實不可說，知一切法不可說，
	禪定	清淨佛刹不可說，所行諸力不可說，彼所修習不可說，一念開悟不可說，
	般若	廣說正法不可說，諸佛自在不可說，踊躍歡喜不可說，示現世間不可說，
	方便	轉妙法輪不可說，離眾怖畏不可說，所說正法不可說，度脫眾生不可說。
	願	不可稱說一切劫，讚歎菩薩諸功德，彼諸大劫猶可盡，讚歎功德不可盡。
	力	不可稱說諸如來，各有無量清淨根，不可說劫常讚歎，如來功德猶不盡。
	智	一切十方諸眾生，皆悉一時成正覺，彼諸正覺一一有，不可稱說淨妙身，
涅槃波羅蜜	佛	彼淨妙身一一有，不可稱說如來頭，彼如來頭一一有，不可稱說廣長舌，
	法	彼廣長舌一出，無量清淨妙音聲，以彼一一妙音聲，不可說劫讚歎佛，
	僧	不可稱說一切劫，宣揚讚歎佛功德，不可說劫猶可盡，歎佛功德無窮盡。
	精進	若於一小微塵中，有諸佛刹不可說，於彼一一佛刹中，各有賢首不可說， 賢首如來世界中，復有佛刹不可說。

華嚴經阿僧祇品之世尊結會說偈之四

涅槃十波羅蜜	禪定	一切法界無有餘，其中所有諸微塵，於彼一一微塵中，佛刹成敗不可說，
	般若	於彼一一微塵中，安置佛刹不可說，復置刹海不可說，分別方類不可說，
	方便	於彼一一佛刹中，不可稱說諸如來，彼諸如來所壽命，不可稱說諸大劫。
	願	諸佛所行不可說，微妙正法不可說，威神道力不可說，離障礙智不可說，
	力	微妙智慧不可說，境界甚深不可說，十力功德不可說，佛覺菩提不可說，
	智	清淨深入不可說，清淨法界不可說，彼智慧藏不可說，分別功德不可說。
菩薩十波羅蜜	佛	菩薩究竟正隨順，具足迴向不可說，分別無量諸迴向，迴向一切諸導師。
	法	不可稱說諸大劫，一心正受諸三昧，於不可說諸佛所，所行清淨不可說。
	僧	得不可說無礙心，悉遍遊行十方界，所修行業不可說，神力應現不可說，
	精進	分別佛刹不可說，諸佛現前不可說，勇猛精進不可說，究竟智慧不可說，
	禪定	未曾離於一坐處，而能遍遊十方界。不可稱說諸大劫，遍遊十方諸佛刹，
	般若	智慧方便不可說，如實智慧不可說，轉淨智慧不可說，念念示現不可說，
	方便	於諸一一語言中，解佛智慧不可說。或於一時覺菩提，或種種時覺菩提，
	願	入諸毛端不可說，入諸微細不可說，殊特勝性不可說，見諸如來不可說，
	力	一一方便不可說，隨順善入諸佛性。諸佛刹性不可說，悉能隨順入菩提，
	智	不壞法界不可說，佛眾生刹不可說，三世所攝不可說，菩薩究竟不可說。